

*For di December ta wardando pa trata e ley pa legalisa tram pero awor*

# Buraco den ley ta permiti e tram core 'legal' riba caminda

**ORANJESTAD** – E ley cu tin cu regula e operacion di tram na Aruba, nunca mas no a yega Parlamento. Pero for di informacion cu BON DIA ARUBA tin, lo no ta necesario y no tin pura mas pa e yega Parlamento tampoco pasobra a haya otro solucion. Un aparente buraco den ley ta percura cu e tram ta 'legal' toch. Tur esaki mientras cu segun Presidente di Parlamento Paul Croes, e landsverordening spoorwegen y cambianan di ley di trafico, no a yega Parlamento ainda. "Nos no tin un bista di esaki" Croes a bisa BON DIA ARUBA.

## AREGLO CU AUTORIDAD

Pero – manera indica ariba Croes a indica na BON DIA ARUBA cu, mientras cu cierto cambianan mester tuma luga riba e reglanan di trafico pa oficialmente e tram (streetcar) por ta un vehiculo nobo den trafico, Gobierno a yega na un arreglo cu polis y Ministerio Publico cu temporal-



mente e tram por core legalmente. Ta papia di un corida 'controla' pa cuerpo policial pa no crea un peliger den trafico y tampoco e 'aansprakelijkheid'. Den cuadro di esey, a logra keda cla cu e parti ey.

## BURACO DEN LEY

Esey ta nifica cu a haya e 'buraco' den e ley cu ta pone cu e tram por core legalmente, unda cu solamente un agente

policial mester ta den cercania pa dirigi e trafico y duna e tram e derecho di caminda. Sin esey, e tram no tin derechi di caminda y por crea problema den trafico. No tin ningun borchu riba caminda cu ta indica cu e tram tin derechi di caminda, y tampoco kico e reglanan di tram ta ora cu e ta riba caminda.

## TRANSPORTA TURISTA

No obstante tur esey, e tram ta core tur dia durante cierto oranan, transportando mas tanto turista di un punto pa otro, ora cu tin bapor crucero aden. Algo cu por ta un bunita bista, pero cu por tin su consecuncianan legal tambe.

## TRAM ILLEGAL

Tabata for di luna di december cu BON DIA ARUBA a haya informacion di su fuentenan

cu ta indica cu e tram tabata un vehiculo ilegal y cu e no tabatin derecho di caminda. Aunke cu e la yega na december, lo tabata te na maart cu e leynan lo a keda cla. Algo cu no a sosode na maart y awor ta den cuminsamento di april. Pero mirando cu tin e 'buraco den ley', ta nifica cu e tram por core, sin ningun problema riba caminda. □

